

Á procura dos trazos que nos describan, homenaxe en Vigo a Xela Arias

Redacción | 11 d Marzo d 2014



Xela Arias

A Asociación de Escritores e Escritoras en Lingua Galega, AELG, en colaboración co IES Álvaro Cunqueiro celebra esta terza feira, 11 de marzo, unha homenaxe á escritora Xela Arias, cun dos seus versos por título “a procura dos trazos que nos describan”.

Ás 19 horas deste 11 de marzo, no mes no que a escritora faría 52 anos, a Asociación de Escritores e Escritoras en Lingua Galega, AELG, celebra no IES Álvaro Cunqueiro, no que impartiu aulas, unha homenaxe á poeta [Xela Arias](#), dez anos despois do seu pasamento en 2013.

Participarán no acto persoas que se acheguen a súa traxectoria vital e literaria desde distintos ámbitos de actuación. Os editores Manuel Bragado e Fran Alonso, a editora da súa obra completa que sairá proximamente en Xerais, María Xesús Nogueira, as poetas Antía Otero e Marta Dacosta, o poeta e tradutor da súa obra para o español, Eduardo Estévez, o autor Avelino González e a escritora Ana Iglesias participarán na homenaxe na que intervirá Mercedes Queixas en nome da AELG. A promotora do certame poético Xela Arias do IES a Sangriña mais a poeta premiada Alba Cid intervirán tamén no acto.

A música virá da man do grupo Xardín desordenado e do clarinetista Fernando Abreu coa voz da tamén escritora Iolanda Zúñiga.

“Xela Arias, unha escritora que non se pode conter nas marxes da xeración que a viu nacer, transcendeu as lindes da escrita e puxo a palabra en contacto con outras disciplinas artísticas”, destacan na AELG da súa traxectoria polifacética na que a escritora estivo singularmente vinculada ao mundo do libro, como autora, editora e tradutora.

A escritora [Marga do Val recorrera a súa traxectoria](#) ao se faceren dez anos da súa morte e a poeta Marta Dacosta lembra á poeta en dous artigos publicados en Sermos Galiza.